

מקמה לאמר איה הקדשה
 הוא בעינים על-הדרך ויאמרו
 לא-היתה בזה קדשה:
 כב וישב אל-יהודה ויאמר לא
 מצאתיה וגם אנשי המקום
 אמרו לא-היתה בזה קדשה:
 כג ויאמר יהודה תקח-לה פן
 נהיה לבוז הנה שלחתי הגדי
 כד הזה ואתה לא מצאתה: ויהי
 כמשלש חדשים ויגד ליהודה
 לאמר זנתה תמר כלתך וגם
 הנה הרה לזנונים ויאמר
 כה יהודה הוציאה ותשרף: הוא
 מוצאת והיא שלחה אל-
 חמיה לאמר לאיש אשר-אלה
 לו אנכי הרה ותאמר הפר-
 נא למי החתמת והפתילים
 ט והמטה האלה: ויפר יהודה
 ויאמר צדקה ממני כי-על-כן
 לא-נתתיה לשלה בני ולא-
 כז יסף עוד לדעתה: ויהי בעת
 לדתה והנה תאומים בבטנה:
 כח ויהי בלדתה ויתן-יד ותקח
 המילדת ותקשור על-ידו שני
 כט לאמר זה יצא ראשנה: ויהי
 כמשיב ידו והנה יצא אחיו
 ותאמר מה-פרצת עליך פרץ
 ל ויקרא שמו פרץ: ואחר יצא
 אחיו אשר על-ידו השני
 ויקרא שמו זרח:

חמישי
 לטא

ויוסף הורד מצרימה ס
 ויקנהו פוטיפר סרים פרעה
 שר הטבחים איש מצרי מיד
 הישמעאלים אשר הורדהו
 ב שמה: ויהי יהוה את-יוסף
 ויהי איש מצליח ויהי בבית
 ג אדניו המצרי: וירא אדניו כי
 יהוה אתו וכל אשר-הוא עשה
 ד יהוה מצליח בידו: וימצא
 יוסף חן בעיניו וישרת אתו
 ויפקדהו על-ביתו וכל-יש-לו
 ה נתן בידו: ויהי מאז הפקיד
 אתו בביתו ועל כל-אשר יש-
 לו ויברך יהוה את-בית המצרי
 בגלל יוסף ויהי ברכת יהוה
 בכל-אשר יש-לו בבית
 ו ובשדה: ויעזב כל-אשר-לו
 ביד-יוסף ולא ידע אתו
 מאומה כי אם-הלחם אשר-
 הוא אוכל ויהי יוסף יפה-
 ז תאר ויפה מראה: ויהי אחר
 הדברים האלה ותשא אשת-
 אדניו את-עיניה אל-יוסף
 ח ותאמר שכבה עמי: וימאן
 ויאמר אל-אשת אדניו הן
 אדני לא ידע אתי מה-בבית
 וכל אשר-יש-לו נתן בידי:
 ט איננו גדול בבית הזה ממני
 ולא-חשף ממני מאומה כי
 אם-אותך באשר את-אשתו

שישי

ואיך אעשה הרעה הגדלה
 י הזאת וחטאתי לאלהים: ויהי
 כדברה אל-יוסף יום | יום
 ולא-שמע אליה לשכב אצלה
 יא להיות עמה: ויהי כהיום הזה
 ויבא הביתה לעשות מלאכתו
 ואין איש מאנשי הבית שם
 יב בבית: ותתפשהו בבגדו לאמר
 שכבה עמי ויעזב בגדו בידה
 יג וינס ויצא החוצה: ויהי
 כראותה כי-עזב בגדו בידה
 יד וינס החוצה: ותקרא לאנשי
 ביתה ותאמר להם לאמר ראו
 הביא לנו איש עברי לצחק בנו
 בא אליו לשכב עמי ואקרא
 טו בקול גדול: ויהי כשמעו כי-
 הרימתי קולי ואקרא ויעזב
 בגדו אצלי וינס ויצא החוצה:
 טז ותנח בגדו אצלה עד-בוא
 ז אדניו אל-ביתו: ותדבר אליו
 כדברים האלה לאמר בא-אליו
 העבד העברי אשר-הבאת לנו
 יז לצחק בי: ויהי כהרימי קולי
 ואקרא ויעזב בגדו אצלי וינס
 יח החוצה: ויהי כשמע אדניו
 את-דברי אשתו אשר דברה
 אליו לאמר כדברים האלה
 כ עשה לי עבדה ויחר אפו: ויקח
 אדני יוסף אתו ויתנהו אל-
 בית הסהר מקום אשר-אסורי